

四庫禁燬書叢刊編纂委員會

北京出版社

四庫禁燬書叢刊

集部第八五冊目次

金正希先生燕詒閣集七卷

〔明〕金聲撰
明末刻本

..... 一

榮木堂合集三十五卷

〔明〕陶汝鼎撰
清康熙刻世綵堂匯印本

..... 一三七

金正希先生燕詒閣集七卷

〔明〕金聲撰

明末刻本

北京圖書館藏

燕語閣集總目

卷之一

奏疏

卷之二

館課

卷之三

書

卷之四

書

燕語閣集

總目

卷之五

書

卷之六

序

卷之七

記壽序祭文傳墓誌

金正希先生燕詒閣集目錄

卷之一

奏疏

據寔奏報疏

和輯忠勇疏

奉命回奏疏

敬謝職銜疏

備陳方畧疏

引分陳情疏

燕詒閣集 卷之一

敬陳本務疏

再陳治安疏

請告第二疏

陳謝修曆疏

陳謝僉憲疏

備陳守禦疏

據實破謊疏

請命終制疏

金正希先生燕詒閣集

宗伯顧瑞屏先生鑒定

據實奏報疏 已巳

臣以小臣受 皇上眷顧憂天之心竟夕不寐半月以來氣血欲盡惟餘孤志耿耿欲前自念生存一日即爲 皇上竭心力一日臣之所能惟仗區區朴忠鼓舞羣策羣力畢歸於忠義一路以爲 君父用而止自受 簡命事事草創措辦倉惶始臣信申甫實以甫自造戰車火器所向無前與其一往殺敵之氣今申甫所募新兵雖務求精壯然給衣裝不十日編訓未數日旌旗金鼓尚未習也兵部無選鋒見與於二十五口送新募未給衣裝兵二千於申甫未收於二十七日復送臣臣以全師皆烏合難用是用躊躇又申甫係新立一軍所需器用種種皆旋取旋辦缺一不可臣日夕拮据移文催督難可得辦臣惶懼不知所爲臣以文臣請纓自以 國家事皆已事雖軍旅非所當與不敢不免欲集思廣謀爲 皇上效一臂力至於錢穀會計簿書出入素所未習欲勉不能

視勞氛日熾。中心如焚。日爲國家籌安危大計。而心○力○苦○疲○於○瑣○細○。伏○望○勅○下○戶○部○委○一○司○官○專○理○其○事○。伏○念○臣○所○不○必○爲○而○自○請○者○急○君○父○之○憂○也○。於○力○所○不○能○爲○欲○勉○之○而○終○未○安○者○恐○悞○君○父○之○事○也○。總○督○在○甫○。臣○于○軍○前○置○將○用○人○等○事○。悉○聽○甫○權○衡○。務○令○獨○展○其○才○。臣○區○區○之○心○。有○欲○入○告○君○父○而○尚○未○敢○背○。臣○之○微○能○可○矢○天○日○。惟○事○君○無○欺○好○賢○不○倦○。能○鼓○人○心○之○忠○義○。畢○效○力○。國○家○而○已○耳○。勢○與○願○違○。日○懼○殞○越○。伏○望○聖○鑒○。臣○死○不○朽○。

燕肅閣集

卷一

二

和輯忠勇疏已巳

竊惟遜讓不遑者。文臣之慈也。剛狠不馴者。武夫之病也。臣見中甫才薦之。皇上。皇上見其才。授之專征。至若蒲桂。驍勇能戰。臣與大同撫臣張宗衡交。因知桂才。亦素嘉其人。今皇上授之總理。臣私謂兩才當事。事必相濟。不謂權既重。重遂釁起。不相下也。本月初二夜。甫將軍至柳營。報稱鄉民驚逃。稱有達子數十騎在鄉擄掠。被奇兵出營搜捉。當獲一十二人。至次日蒲桂提稱。係彼夷丁。報到臣。臣恐啟釁。傳令釋放。訖。初六日未時。甫大軍出廣寧門。據南初七日塘報。稱本日達賊數十騎衝突而來。將本縣塘報官人蔣國祿丁元殺死。百姓齊驚。本營當時守備李永勲。率家丁齊上。復殺死營兵一人。衆兵齊上。活捉五人。又守備毛養和活捉一人。見在營中。目下達賊正在相持等因。又報稱本日申時。達子無數。四布本縣外營。偶東巷數百騎衝突而來。差官看時。有達子一半。中國人一半。亂箭射入營中。我兵堵截。不敢以神器相加。少頃。又數十騎從西南來。徑衝大營。百

姓惶亂、衆兵堵截、鄉民陳本孝等奮勇斬夷首級一顆、衣服一領、互納一隻、達箭七枝、刀一把、爲此理合塘報等因、又於初八日接申甫揭帖、稱所獲夷人正欲解入、又傳爲文將家丁聞文將者桂部下將也、臣聞此不勝愛惶、兩軍不和、後每相遇、必先相自殺、傷萬一虜聞之、爲所乘、爲害匪淺、臣欲出爲調和、而二將皆奉便宜、以臣忠誠、自信頗能感人、而權微不足以服之、非皇上攝以大義、其氣未易平也、又各提兵新兵、諸將多有未調、伏望 詔令和輯、同心協力、庶幾氛祲內順、乃能外威、臣念之至熱、而言之至切、伏乞 聖上裁察、

奏稿同集

卷一疏

四

和

奉命回奏疏

臣本月初十日接邸報、該臣奏爲據報軍情等事、奉聖旨金聲便諭、二將務令輯睦、毋得自生猜防、致誤軍機、罪責均任、新集兵將、該部還通行諭、飭欽此、欽遵、臣自受 皇上簡命、日夜念 皇上威德、所以詳諄、勉甫者備至、今得奉 明旨、更反覆開諭、令一意圖賊、臣隨歷荒郊、馳至滿桂營、爲桂慷慨言虜事方殷、不可以部曲起釁、桂亦是臣言、然臣此行遇環走二十餘里、閱一二營壁、執途之難民數人問之、燕語閑集、

於衷戚然、臣聞虜不過萬人、我不得志於虜、虜得爲寇之道、而我得自困之病也、我兵不下數萬人、法宏探虜必趨之道、諸將各據險列營、首尾相應、奇正互用、則虜難以逞、今諸將各統兵數千人、不相聯絡、費廩糧、則多分、以遇敵、則又患于少、此不計用多者也、將不得不任其失策、然亦有難手爲將者、臣從滿營歸、漏已二下、道過施洪謨營、宿申甫營、見數營人馬當朔風寒苦之際、皆露立枕戈臥、不得有勝飽之象、不戰先疲、况虜以掠劫、日飽且樂、而我驅此惛弱者

與遇難矣。然大兵四集，費金錢鉅萬，工戶二部告辦，爲艱，欲使士飽馬騰，亦又難乎爲上者，因其難而不思長策，則日困一日，虜不退可憂，虜退亦可憂。四境蕭條，藩籬破壞，兵民疲于外，財用竭於內，如此用兵，不謂之自困不可也。惟皇上與二三大臣蚤圖之，臣無任激切待命之至。

國家用兵三十年以來，迄無成効，寧不盡坐此故。



敬謝職銜疏

臣自傷才術淺短，意願空長，值醜虜犯順，君父焦勞，妄慕被髮纓冠之義，非爲人臣子者可以瞻前顧後之時，遂不度德量力，強受簡任，不謂力不從心，勢與願違，僅顯一士區區之節，竟無國家分寸之功。臣們心傷恨，痛不欲生，不圖復荷聖恩，浩蕩無涯，畧事原心，不卽加誅，感法外之餘生，欲致身而無任。臣滋戰慄，不敢煩瀆，臣日夜惶愧，如坐芒刺，一身無據，進退維谷，出入忽忽，不知所之。臣久當奏繳，以續查軍需，并移會各該衙門，收取未盡于今本月十八日，粗得竣事。臣原蒙欽給參佐練兵防禦事務，關防一顆，敬當奏繳，伏望皇上勅下驗收。至于臣風憲職銜，本爲軍務權授，卽幸而有功，謝事之後，猶不敢當。况臣罪丘山，豈得醜顏久稽，每一念之，置身無地，伏望皇上蚤賜罷斥，以肅臣紀。若獲蒙聖恩，終不加誅，或以臣罪在前，非功不贖，置臣重難之地，人所難爲者，使得盡力報稱之下，畢命行伍之間。

臣死不朽。或以臣才不堪。臣心可原。有過無大。既編臣于氓隸。許臣尚得攻苦食淡。窮今古事物之變。因循摩厲。以期異日桑榆之收。庶幾餘生未爲聖世棄物。可以不終負皇上特達之遇。臣自恨不才。孤負夙志。肝腸摧結。憔悴非人。痛念天恩。日夜感泣。心憂國事。不能奮飛。語無倫次。伏望聖鑑。臣曷任恐懼待命之至。

忠愛之思百折不回

燕語閑集

卷一疏

人

敬二

引分陳情疏 庚午

伏念臣生平忠孝自矢。抗心希古。妄許皇上以努力馳驅。今不幸顛蹶。此志孤耿。誓死靡變。有如覲然在位。分不敢默然容容。而肝腸空熱。學術未成。才識疎淺。無以自效。臣雖不敏。質恥素餐。主憂之日。臣辱臣死。臣愚以爲當然。而知臣莫如君。皇上矜其愚。不忍棄之徒死。夙夜思維。既捐軀圖報。其路無繇。而戴恩愈深。愈難苟容。自全以廢君祿。雖皇上原之。天下未必能盡諒之。卽天下能諒之。而臣寸心斷斷不能安之。仰念天恩。俯顧憲銜。進退用舍。如臨淵谷。反覆展轉。五內抽裂。神傷氣悴。不能自存。此心此境。獨癡獨苦。不得不歸命投誠。控告君父。伏望皇上鑒臣至情。全臣愚分。仍賜罷斥。使臣可以仰戴聖恩。存身氓隸之中。臣曷任惶悚懇切待命之至。

燕語閑集

卷一疏

七

備陳方畧疏 庚午

臣不才有願莫遂。虛負 皇上知遇。皇上雖鑒原臣。臣愈自傷之。心念 天恩。晝夜感泣。欲堅求罷斥。草疏屢就。值 國事多艱。君父焦勞。不忍自棄。遠離 闕廷。欲捐軀圖報。其路無繇。空復戴冠束帶。從士大夫之後。萬非所安。夙夜思維。維冀少效尺寸。而臣當有言不信之時。事關兵餉。又非所敢請。度臣力之所能。爲與今日之所不容緩。不必另開事端。而於奴勢不無少創。於 國家不無少補。者在于今日。蚤空

燕語閑集

卷一疏

十一

備二

乘便聯絡朝鮮。朝鮮與奴老寨。止隔鴨綠一江。今醜類敢長驅入犯。縱橫不止。無復狼顧之憂。自度無敢議其後者。以故東江牽制。未可一朝而廢。而東江實全藉朝鮮爲居停主。不得不蚤爲 宣諭。然今日諭之。又要令朝鮮無所驚疑。決宜乘 皇太子 冊立。頒詔而去。今 詔書權宜附其陪臣以往。蓋未聞虜警以前議也。臣愚以爲在於今日。有未便者。值虜警而大禮之行。遽乏特使。未免生外夷心。奴既合東。或復通鮮。勢益無忌。東江數萬生靈。將反爲奴用。臣

不才。蒙 皇上寬宥。有七尺餘生。久非已有。非常苦難之事。以効力 國家。不可以竟初志。願乘風破浪。捧尺一之 詔。涉島澳之鄉。宣 朝廷威靈。感以至誠。動以利害。儻得藉手相機。與東江相仗。圖乘奴虛。縱未敢卽言搗穴。而振聲援以制之。奴宜有却行狼顧者矣。卽不然。而使朝鮮受臣聯絡。亦無令折而入奴。且臣之往。便得畢力盡意。遍歷諸島。探其虛實。詢諸將士。圖上方畧。以報 皇上而佐廟算。以待能者。固區區報主之誠。得以稍展。而 皇上所畀。不過一紙詔書。所必附之以往者也。臣無任惶悚待 命之至。苟利社稷。死生以之。聞人所不敢聞之口。才誠磨畧。在兩漢班陸之上。

燕語閑集

卷一疏

十二

備三

敬陳本務疏 庚午

臣愧債之極。不意復待罪於此。何敢更輕言天下事。痛傷生平致力忠孝。留心當世。既躬逢聖明。特荷知遇。一時君臣。殊不讓古。乃舉人未效。所學竟不適用。疑于古道不復可行。壯心不甘。夙夜思過。自知所向。未爲大謬。而閱人未廣。歷事未深。動不遂志。亦所宏然。伏思皇上聖本天縱。言動舉錯。允合古法。好學寡欲。法祖敬天。求賢若渴。受言如流。較古帝王。真無間然。謂空風行草偃。本立道生。人與天協。功隨事

集

卷一

三

本

集矣。而尚兵困于外。財匱于內。賞未必勸。罰未必懲。主德日勤。風習如故。其故何與。將人材絕不如心。而時事無可奈何。抑終無道而處于此。與願皇上更深思其故也。臣伏見皇上晝夜焦勞。惟日親天下之事。而實未嘗日習天下之人。皇上以不世出之聖。與大有爲之業。定使天下之人才與不才。盡在皇上胸臆之中。卽才矣。而有所長與有所短。皆得一一衡量之。確然不爽。然後酌位置。惟皇上之所便。而始可執賞罰以隨其後。此不可以懸斷臆

慈訓周集

卷一

三

本

度。不可以盡得于章疏之中。不可以徒參互於外議之異同。必皇上親自嘗試。齊啜之。而又不可以旦夕之間。一二見而足也。往者皇上朝見不輟。召對時勤。既而問無所得。鮮當上意。而皇上亦遂厭之矣。臣愚獨以爲皇上空念往者。君臣相見之尚未數。反覆問辦之尚未精。皇上所以探討諸臣者之尚未深切著明。而不空謂相見之爲無益也。願皇上自今定爲間日御文華。謂宜倣古。蚤朝晏罷。法其在廷諸臣。若諸卿之取及翰林科道中行誦博等官。非有緊劇事務。纏縛其身。不得閑暇者。宜令輪番入直。蚤夜在公。而內外官之有專司職業者。亦得以不時進見。皇上於官方之情。僞得失。軍民之大利大病。并廟堂刑賞舉錯之用。邊腹虛實。強弱之形。皆得進諸臣而考究於堂陛之間。而且時詢及諸臣之職。掌如是而。大成集上下漸習。卽微塵無能益山。未必遽有大奇偉當聖意者。而詰問既迅。情僞自露。酬對相類。材品畢呈。日月已久。以皇上之聰睿。諸臣才與不才。與其才之所短所長。豈復有遁於聖

鑒者哉。且夫今日非誠無才也。士大夫精華果銳之氣。莫不相與分馳於愛憎毀譽之地。坐消于談笑。僵臥之間。夫才之爲物。不收之使專心致志。則不生。不迫之使困心衡慮。則不達。不並之使較長絮大。則不見。今因是而令諸臣日夕。皇上之前。忝承日察。天語時聞。自惟皇上之社稷蒼生。是念無暇復有他思。計惟是勉學問。率屬以思。一當自非朽敗壞爛之人。宜莫有忍自廢者矣。且不特此也。作之不休。求之不已。天地不閉。祖宗有靈。皇上因是而於百千人

燕諸問集

卷一 疏

古

三

中定得一二公忠練達不世出之臣焉。以佐皇上知人善任使者。小大內外。罔不稱職。皇上又何求而不得。何令而不止哉。伏惟皇上少留意裁察。臣請得畢暢所欲言。臣不任懇切待命之至。

廷達治體之言可與荆公上仁宗皇帝書參看

再陳治安疏

庚午

臣雖不才。終不敢內負夙志。上孤聖恩。思惟國家興衰治亂之所繇。國事日艱。敬陳本務一疏。非敢湯爲條陳。以飾觀聽。實攷古證今。念之甚熟。皇上欲內順外戚。久安長治。所當逐事整頓者。未易盡數也。而非繇臣所言以端其本。則大之終無提綱挈領之要密。之亦實無批郤導窾之槩。皇上雖赫聲濯靈。法在必舉。亦似有令行禁止之意。而大勢如故。人心未回。苟且徼倖之情。日惟求免。任事圖功之意。迄難真實。空勞皇上宵旰之心。終無益于治亂安危之數。此愚臣所爲拜疏以來。齋居不寐。再三籌度。而愈自信其說之不可易也。治安在人。今古所知。臣謹按古今論人之法。未有不以言爲大端者。卽皇上今在穆清之上。所繇以明見萬里之外者。固大半取裁章奏中。卽間別有探討以得人之情。偶有不出于人口而達于聖聰者乎。而言有二。覲面問答。設之手筆。墨數陳其簡切尤不可以同日語。既無往復之煩。使君臣相與敝精神以費時日。而又得以

實察人之真誠于神情出入之間且天下之人未有不
反覆推究以得其才之短長而遽試之事天下之事
亦未有不反覆推究以得其至當之歸而遽責之行
者惟觀聽不惑考之有據務以光明洞達之意曲盡
其是非利害之情自求無不獲發無不中無論皇
上聖神文武固當遠達堯舜近憲高皇不屑屑漢
唐諸君卽攷漢唐一二有爲之主當時君若臣莫不
相與諮詢考度共取天下而商畧之人見其可而用
事見其可而勤未有遽置士大夫于度外厭薄以爲
不足與謀無可深求而空驅策之以望其奏功者也
今世士大夫承平日久習氣實深皇上聖明不幸
際此厄運要當密心耐意磨勵鼓舞長養裁就以望
其有成耳虜入內地今茲半年迄無一人爲出勝算
非諸文武反出奴虜諸頭目下非不畏法非不願通
侯之賞銖銖之無數而習之不精也及今講習圖得
一當雖曰不豫猶爲未晚今事外之人旣以成敗安
危無與已身徒立而晚人以優游于不學不思之地
而當事之身則目焚耳亂手足匆忙又不暇有可學

可思之時惟賴皇上以神武諮達之用間取此從
容暇豫之人以蚤朝晏罷之法而寓日考月試之意
庶幾其有獲焉而或又難于一舉是天下之人無
時而出止聽命于天之自生天下之難無時而平止
聽命于天之自定也今廟算淵微聖謀深遠愚臣淺
薄無片長寸效何能仰窺萬一輒敢侈口多言顧靜
觀今日之事與今日之人臣雖愚思皇上必非以
內外諸當事爲皆必可賴之人以今日所布置調度
爲百不失一之算也謂目前固無以易此者毋亦姑
靜聽之以徐觀其後耳今日豈可靜聽之以徐觀其
後之時哉惟皇上蚤圖之天下幸甚

泄沓錮疾已入膏肓明詔屢申飭臣工共維桑土
而如乾如瞽空廢提命讀無逸之章而知周之所
以興也其在斯人歟

請告第二疏 庚午

臣惟臣子大義。篤於匪躬。臣雖積病日久。不敢一言及病。至前六月廿七日。突然氣塞。至昏暈竟夕。吐血連日。臣力竭難支。始敢據實上乞骸骨。復蒙天恩。念臣服官未久。臣感激忘生。伏枕三旬。見城務久曠。覺體氣暫平。不敢卽安。隨勉疾視事。不圖復以勞煩。于本月十一日本症隨發。而怔忡痰厥更劇于前。病苦之狀。未敢瑣陳以瀆聖覽。臣惟奉職無狀。神思短竭。于軍國蒼生大事。不能少有裨助。何得以一身燕語閑集。八卷一疏。告二疾痛長呼。君父之前。而臣情勢萬不獲已。念服皇上二日之官。則當盡皇上一日之職。今乃以風憲重職。司皇上耳目之寄者。爲微臣餌藥養病。苟容竊祿之地。有口如歲。生氣漸短。臣之危殆。日可俟也。臣雖捐棄道路。區區一身。何足自惜。而臣自遭際聖明以來。讀書學道。致身事君之志。自矢必遂。不幸苦爲才分所限。學識所局。天不愍念。更有病魔縛而困之。雖踟躕高天厚地之中。尚思仰荷聖澤。得靜息身心。收召魂魄。究所未知。增所不能。誓于此生

要得一當以答聖明。庶生前生後。無所復恨。而今身命之憂。迫于目前。則亦未免有貪戀聖世不忍。徒死之心。伏惟皇上聖明。鑒臣非遺忘君父。自便身圖之人。非真無可奈何。定不敢輒瀆聖聽。使臣餘生寬然。幸不遽絕厥命。學問方始。亦何忍終自廢棄。至如臣父母衰暮零丁。流離床褥。念臣無狀。日夕驚憂。知臣無能坐糜國廩。願言一見。待以瞑目。雖臣至情。家不先國。使臣可自效。亦何敢言于皇上之前。臣曷勝激切待命之至。

燕語閑集 八卷一疏 告二

陳謝脩曆疏 癸酉

臣遭際 聖明拙忠不效不幸負疾乞骸歸田叨蒙
皇上矜全不卽廢棄許令首丘得就醫藥臣歸之日
泣見老親恍若隔世北謝 天恩感賜餘年雖伏枕
一丘報國之忱耿耿不墮至於僥倖痊愈旦夕就官
之念則斷斷不忍起臣之自知甚於人之知臣死不
敢假愛戀君父之心以不勝任之身冒不易稱之
職也今輔臣徐光啓以修曆乏員或傳臣病痊漫及
疎庸仰荷 俞旨臣聞 命之日心怔若擣臣之父
上欺一宸聰尚稱危篤如今潦倒床褥間者而神氣
耗竭實未痊復痰火眩運不時劇發居平怯思健忘
如石如鹿餌藥省慮僅足自存况曆數大法古以宿
學久竭精思方得就緒今之輔臣誠哉其人至于海
內不乏者儒如臣碌碌疎淺重以結疾素學既不深
入思力又難致精領瞻斯任豈啻負山臣 君恩結
念孤志不蕘日夜自調靜閣今古期以時日深永馴
得身強并異學成敢望 皇上特恩寬以期限臣得

踰強仕之歲及服官政之年而後東西南北死生赴
之不敢有愛乃今 國事多艱未可輒以一人而開
群臣自便之門既不堪任應終廢錮臣獲 大造曲
全臣雖居田亦當據此身心學道著述以助 聖化
誓於此生隨地致力圖報少効而後敢死統祈 皇
上鑒原臣曷勝懇切請 命之至
隨地致力四字當爲今日士大夫敬佩名箴

陳謝金憲疏

臣以書生，幸逢聖作，身依日月，叨補中秘，甫及期年，會逆奴犯闕，奉命倉卒，欽授憲銜，從事戎行，孤臣負移山之愚，皇上簡當熊之誠，至于謝事之後，請斥疏章，前後五上，而溫綸五加，恩益常分，天下忠義，聞風感奮，况臣身受而臣啣結愈深，矢思奮迹，甘心自維，益恥苟祿，此則臣乞骸歸田之初志也，誠不自意故輔臣徐光啟忽騰薦剡，遽以臣承乏修脣，臣病未痊，愈學非耑門，雖職列清要，典憲今古，燕語問集 卷一 疏 三 金一
人多為臣榮之，臣心獨不自安，伏具疏乞休，雖未獲允，放一明旨，業具呈堂官，堅懇代題，并力求故輔臣徐光啟題免，臣心勿欺，久蒙鑒在，乃今本年正月，忽得邸報，吏部推臣出補山東驛傳道，伏念司道雖外吏，遠離皇上，無復出入禁闥，補過拾遺之任，顧茲方面，受皇上崇秩，非積日累俸不可得，非夙習吏事不輕除授，而臣以服官無幾月之人，今又抱病在籍，何所短長，而遽獲斯職，鴨梁之疾，愈刺于心，切思臣之初志，已邀皇上鑒原，臣之職銜，獨蒙

皇上欽授，皇上不以臣為不肖，登賜溫綸，不許辭免，臣尚反身問心，理病力學，攻苦食淡，磨厲堅忍，未敢就列，今銓臣遽又別補，義豈得非分際就，臣踴涼孤冷，時思古獲若幸而徵天，積學有成，奮身報國，此生此身，惟皇上所驅使，其于君父之官，敢有擇焉，不然而菰水沒齒，分實甘之，臣即不自惜死，不敢容容竊位以辱聖明。

歷數知遇，即古君臣亦不多見，空其情，彌篤而報彌堅也。